

Saturday, September 12, 2026

Time - 2:30pm - 2:35pm

**AKASHVANI AIZAWL
REGIONAL NEWS UNIT**

**REGIONAL NEWS BULLETIN
(MIDDAY)**



RAIN HAVOC

Nimina state chhunga ruah nasa tak sur avangin mi 2 an thi.

Nimin tlai dar 5 vela ruah nasa tak sur avanga tui luankawr a tuihawk chaktak chuan Lawngtlai College Veng a mi, Ruby Lalrinsiami kum 6 chu metre 300 vel a len a, a thi a ni.

Ruby Lalrinsiami kum 6 leh a thiannu Alicya Remruatkimi te chu an thenawm hnaia Dawrah thil lei turin an kal a, kawngsir a Tuihawk luankawr, tui chak taka luangah Ruby i chuan a ke a zuk chiah chu tuihawk chuan a la ta a, a thiannu chuan umzui mahse tui a chak avangin a umpha lova, in lama Ruby pa hrilhin, Ruby Pa Pu Lalbawlliana leh a thianpa chuan theihtawpa umzuiin, tui luankawr mumal lohna leh hnimin a bawh vek hmun chu mihring tana kalna chi anih loh avangin an hel a, Ruby ruang chu lengkir hnuai tuitlingah an zuk hmu ta ani.

Ruby Lalrinsiami hi Alpha English Medium, College Veng.Lawngtlaiah Kg 2 zirlai ani a, vawiin hian a ruang hi District Hospitalah endik a ni a, College Veng thlanmualah vuiliam ani.

Tukin zing dar 5 vel khan Vairengte Zalen Veng a cheng Pu Ngamlalliana leh a fapa Lalramneiha te chenna in chu leimin in hnawl in Pu Lalramneiha fapa Zodinglana kum 14 mi chu a thi a ni.

Leimin hian chenna in pahnih hnawlin Pu Ngamlallian a te chenna hi concrete building niin a hnuaiah hian a fapa Pu Lalramneiha te chhungkua an cheng a, chhungkaw member 8 an awm a, a bul chiah assam type in nen leimin hian a hnawl ani.

Zodinglana ruang hi tukin dar 7 vel khan inchim kar atanga lakchhuah niin a pu Pu HK Lalrohlua in Hermon vengah dah niin vawiin tlai dar 3 hian vui a ni ang.

Zodinglana hi Kolasib Reliance Naupang league khelh meka Rafael Football Academy player niin vawiin a match khelh tur pawh ama pual hian cancel ani.

(Lalngheta Lawngtlai PTC/ Doreen Vairengte PTC)



MAMIT ASPIRATIONAL DISTRICT

Central Prabhari Officer for Mamit Aspirational District leh Reiek Aspirational Block Pi Padmini Singla chuan nimin khan Mamit district a hmalakna hrang hrang a tlawh.

Central Prabhari Officer ho hian Aspirational district programme leh Aspirational block programme hnuaia hnathawh leh hmalakna te DC Conference Hall, Mamit-ah thlirletna hun hman a ni a. Pi Padmini Singla chuan line department hotute chu tun kuma an hmalak tum te zawtin thawhona tha nei tur leh mipuite hmasawna atan an mawhphurna zawnah theihtawp chhuah turin a chaha. CPO chuan department harsatna te chu ngaithlain theih anga hmalak a tum thu a sawia, zawhna leh chhanna hun hman a ni bawk.

He thutkhawmah hian Mamit Bawrhsap Pu Suvigya S Chandra chuan Mamit Aspirational district programme, Reiek Aspirational block programme, Sampoonata Abhiyan, Niti Tara, CSR, ADP Project leh PM-DDKY hnuaia hnathawh kal mek te dinhmun a sawifiah a. CPO hian Project Genesis, Beti Bachao Beti Padhao (BBBP) hnuaia hmalakna chu a hawng nghal a. Project Genesis in a tum tlangpui chu institutional delivery tih san leh nu nau pai te hrisel zawka nau an neih theihna tura an hamthatna ngaihtuah te a ni. He project hi district pali- Mamit, Lunglei, Lawngtlai leh Siaha-ah te kalpui a ni ang.



PROJECT GENESIS

Siaha District Women & Child Development huaihawtin Nu leh naute hriselna kawnga hmalakna tur "Project Genesis" nimin khan tlangzarh a ni.

Project Genesis tlangzarhtu Siaha District Bawrhsap Pu VL Hruaizela Khiangte chuan, Project Genesis chu India in Ram hmasawn nih a tumna, Viksit Bharat 2047 hmalakna peng pawimawh tak a ni, a ti a. Nu leh naute hriselna chu ram changkang tehfung pawimawh tak a ni tih sawiin sawrkar laipui pawhin a ngai pawimawh takzet tih a sawi bawh a ni.

Project Genesis hi district chhunga khaw thlan bik sawmpakhatah ngawrh taka kalpui nghal tura ruahman a ni.



END MAMIT

Nimin atang khan, Mamit END Mamit ten Mamit khawpui chhung leh North Sabual ramhnuaiah te zubilhna zawn beihpui an thlak leh a. North Sabual ramhnuaiah hian hmun thumah Zu siamna zem 12 an ti chhia a, Zu lo thlawrtute erawh an lo insaseng hman a ni.

Nizan khan Mamit khawchhungah ruihhlo vaiin duty chhunzawm a ni a, Heroin (No.4) gram 7.56 polythene a fun leh a neitu – Vanlalrawnkima (32) Mamit High School Veng chu a in chhungah a Heroin kawllai nen hian man a ni.

Vanlalrawnkima hi kum 2018 leh 2019 pawh khan Heroin vang bawka lo man tawh a ni.



INDIA-CHINA AIRLINE

Kum 6 an chawlh hnuah tun thla ni 21 atang hian China Southern Airlines chuan Guangzhou leh New Delhi inkar passenger phur thlawhna an thlawh tir leh tan dawn tih an sawi a,

Kum 2020-a Covid 19 hri len hluar lai atang khan thlawhna hi a thlawk leh ta lo a ni.

China ram President Xi Jinping an BRICS Summit-a Prime Minister Narendra Modi nen an inkawm hnuah thlawhna hi hi thlawh tir leh tan a ni a, China leh India inthlunzawm tur hian March thla khan IndiGo a lo service leh tawh bawk a ni.

